





第一四三冊

四庫全書

●上海古籍出版社

本冊目次

御定全唐詩(九)

清康熙四十一年御定

卷一四二冊

欽定四庫全書

御定全唐詩卷八百六

集部

欽定四庫全書

御定全唐詩卷八百六

寒山

寒山子不知何許人居天台唐興縣寒巖時往還國清寺以樺皮為冠布裘弊履或長廊唱咏或村墅歌嘯人莫識之聞丘膺官丹丘臨行遇豐干師言從天台來問丘問彼地有何賢堪師師曰寒山文殊拾得普賢在國清寺庫院厨中著火間丘到官三日親往寺中見二人便禮拜二人大笑曰豐干饒舌饒舌阿彌不識禮我何為即走出寺歸寒巖寒山子入穴而去其穴自合嘗於竹木石壁書詩并村墅屋壁所寫文句三百餘首今編詩一卷

詩三百三首

凡讀我詩者心中須護淨慳貪繼日廉詔曲登時正驅遣除一作除遣惡業歸依受真性今日得佛身急急如律令

重巖我卜居鳥道絕人迹庭際何所有白雲抱幽石住

詳校官庶吉士臣何道沖

主事銜臣徐以坤覆勘

總校官知縣臣繆琪

校對官中書臣金光梯

錄監生臣金拱閣

茲凡幾年屢見春冬易寄語鍾鼎家虛名定無一作何益

可笑寒山道而無車馬蹤聯聯難記曲疊嶂不知重泣

露千般草吟風一樣松此時迷徑處形問影何從

吾家好隱淪居處絕囂塵踐草成三徑瞻雲作四鄰助

歌聲有鳥問法語無人今日娑婆樹幾年為一春

琴書須自隨祿位用何為投簪從賢婦巾車有孝兒風

吹曝麥地水溢沃魚池常念鷓鴣鳥安身在一枝

弟兄同五郡父子本三州欲驗飛鳧集須微白兔遊靈

欽定四庫全書

御定全唐詩
卷八百六

二

瓜夢裏受神橋座中牧鄉國何迢遞同魚寄水流

一為書劍客二

一作三

遇聖明君東守文不賞西征武不

勲學文兼學武學武兼學文今日既老矣餘生不足云

莊子說送終

一作死

天地為棺槨吾歸此有時唯須一番

箔死將餒青蠅吊不勞白鶴餓著首陽山生廉死亦樂

人問寒山道寒山路不通夏天水未釋日出霧朦朧似

我何由屈與君心不同君心若似我還得到其中

天生百尺樹剪作長條木可惜棟梁材拋之在幽谷年

多心尚動日夕皮漸禿識者取將來猶堪柱馬屋

驅馬度荒城荒城動

一作重

客情高低舊雉堞大小古墳

塋自振孤蓬影長凝拱木聲所嗟皆俗骨仙史更無名

鸚鵡宅西國虞羅捕得歸美人朝夕弄出入在庭幃賜

以金籠貯局哉損羽衣不如鴻與鶴飄飄入雲飛

玉堂挂珠簾中有嬋娟子其貌勝神仙容華若桃李東

家春露和西舍秋風起更過三十年還成甘蔗滓

城中蛾眉女珠珮珂

一作何

珊珊鸚鵡花前弄琵琶月下

欽定四庫全書

御定全唐詩
卷八百六

三

彈長歌三日響短舞萬人看未必長如此芙蓉不耐寒

父母續經多田園不羨他婦搗機軋軋兒弄口噉噉拍

手摧花舞搯頭聽鳥歌誰當來款賞樵客屢經過

家住綠巖下庭蕪更不艾新藤垂綠繞古石墜巉巖山

果獼猴摘池魚白鷺銜仙書一兩卷樹下讀喃喃

四時無止息年去又年來萬物有代謝九天無朽摧東

明又西暗花落復花開唯有黃泉客冥冥去不迴

歲去換愁年春來物色鮮山花笑

一作爽

淥水巖樹一作作

舞青煙蜂蝶自云樂禽魚更可憐朋遊情未已徹曉不能眠

手筆太縱橫身材極瓊魁一作瑋生為有限身死作無名

鬼自古如此多一作多如此君今爭奈何可來白雲裏教爾

紫芝歌

欲得安身處寒山可長保微風吹幽松近聽聲逾好下有斑白人喃喃讀黃老十年歸不得忘却來時道

俊傑馬上郎揮鞭指綠楊謂言無死日終不作梯航四

欽定四庫全書

御定全唐詩
卷八百六

運花自好一朝成萎黃醞醕與石蜜至死不能嘗

有一餐霞子其居諱俗遊論時實蕭爽在夏亦如秋幽

澗常瀝瀝高松風颭颭其中半日坐忘却百年愁

妾在一作家邯鄲住歌聲亦抑揚賴我安居一作隱處此曲

舊來長既醉莫言歸留連日未央兒家寢處處繡被滿

銀牀

快榜三翼舟善乘千里馬莫能造我家謂言最幽野巖

岫一作穴深嶂中雲雷竟日下自非孔丘公無能相救者

智者君拋我愚者我拋君非愚亦非智從此斷一作繼相知
聞入夜歌明月侵晨舞白雲馬能拱一作住口手端坐鬢
紛紛

有鳥五色文棲桐食竹實徐動合禮一作儀和鳴中音

律一作鳴中昨來何以至為吾一作君暫時出儻聞絃歌

聲作舞欣今日

茅棟野人居門前車馬疎林幽偏聚鳥谿闊本藏魚山

果攜兒摘臯田共婦鋤家中何所有唯有一牀書

欽定四庫全書

御定全唐詩
卷八百六

登陝寒山道寒山路不窮谿長石磊磊澗闊草濛濛苔

滑非關雨松鳴不假風誰能超世累共坐白雲中

六極常嬰困九維徒自論有才遺草澤無藝閉蓬門日

上巖猶暗煙消谷尚昏其中長者子箇箇總無根

白雲高嵯峨綠水蕩潭波此處聞漁父時時鼓棹歌聲

聲不可聽令我愁思多誰謂雀無角其如穿屋何

杳杳寒山道落落冷澗濱啾啾常有鳥寂寂更無人磧

磧一作浙風吹面紛紛雪積身朝朝不見日歲歲不知春

少年何所愁愁見鬢毛白白更何所愁愁見日逼迫移

向東岱居配守北邙宅何忍出此言此言傷老客

聞道愁難遣斯言謂一作會不真昨朝曾一作始趙却今日

又纏身月盡愁難盡年新愁更新誰知席帽下元是昔

愁人

兩龜乘犢車蒼出路頭戲一盡一作藝從旁來苦死欲求

寄不載爽人情始載被沈累彈指不可論行思却遭刺

三月蠶猶小女人來采花隈一作隔牆弄蝴蝶臨水擲蝦

欽定四庫全書

柳定全唐詩
卷八百六

蜘蛛袖盛梅子金鉤挑筍芽闌論多一作爭物色此地勝

一作
余家

東家一老婆富來三五年昔日貧於我今笑我無錢渠

笑我在後我笑渠在前相笑儻不止東邊復西邊

富兒多執掌觸事難祇承倉米已赫赤不貸人斗升轉

懷飲距意買絹先揀綾若至臨終日弔客有蒼蠅

余曾昔觀聰明士博達英靈一作雄無比論一選嘉名喧

宇宙五言詩句越諸人為官治化超先輩直為無能繼

後塵忽然富貴貪財色瓦解冰消不可陳

白鶴銜苦桃一作花

千里作一息欲往蓬萊山將此充糧

食未達毛摧落離羣心慘惻却歸舊來巢妻子不相識

慣居幽隱處乍向國清中時訪豐干道一作老仍來看拾

公獨迴上寒巖無人話合同尋究無源水源窮水不窮

生前大愚癡不為今日悟今日如許貧總是前生作一作

今生又不修來生還如故兩岸各無船渺渺難濟渡

璨璨盧家女舊來名莫愁貪乘摘花馬樂榜米蓮舟勝

欽定四庫全書

柳定全唐詩
卷八百六

坐綠熊席身披青鳳裘哀傷百年內不免歸山丘

低眼鄒公妻邯鄲杜生母二人同老少一作共老一種好面

首昨日會客場惡衣排在後只為著破裙喫他殘楚楚

上蒲口切
下郎斗切

獨臥重巖下蒸雲晝不消室中雖暗鑿心裏絕喧囂夢

去遊金闕魂歸度石橋拋除閑我者歷歷樹間瓢

夫物有所用用之各有宜用之若失所一缺復一虧圓

鑿而方柄悲哉空爾為驂驄將捕鼠不及跋貓兒

誰家長不死死事舊來均始憶八尺漢俄成一聚塵黃
泉無曉日青草有時春行到傷心處松風愁殺人

騶馬珊瑚鞭驅馳洛陽道自矜一作悼美少年不信有衰

老白髮會應生紅顏豈長保但看北邙山箇是蓬萊島

竟日常如醉流年不暫停埋著蓬蒿下一作日曉月一作何冥

冥骨肉消散盡魂魄幾凋零遮莫蛟鐵口無因讀老經

一向寒山坐淹留三十年昨來訪親友大半入黃泉漸

減一作如殘燭長流似逝川今朝對孤影不覺淚雙懸

欽定四庫全書

御定全唐詩
卷八百六

相喚採芙蓉可憐清江裏游戲不覺暮屢見狂風起浪

捧鴛鴦兒波搖鷓鴣子此時居舟楫浩蕩情無已

吾心似秋月碧潭清皎潔無物堪比倫教我如何說

垂柳暗如煙飛花飄似霰夫居離婦州婦住思夫縣各

在天一涯何時得一作復相見寄語明月樓莫貯雙飛燕

有酒相招飲有肉相呼喫黃泉前後人少壯須努力玉

帶暫時華金釵非久飾張翁與鄭婆一去無消息

可憐好丈夫身體極稜稜春秋未三十才藝百般能金

羈逐俠客玉饌集良朋唯有一般惡不傳無盡燈

桃花欲經夏風月催不待訪覓漢時人能無一箇在朝

朝花遷落歲歲人移改今日揚塵處昔時為大海

我見東家女年可有十一有一作十八西舍競來問願姻夫妻

活一作俗烹羊煮衆命聚頭作姪殺含笑樂呵呵啼哭受

殃扶一作決

田舍多桑園牛犢滿廐轍肯信有因果頑皮早晚裂眼

看消磨盡當頭各自活紙袴瓦作視到頭凍餓殺

欽定四庫全書

御定全唐詩
卷八百六

我見百十狗箇箇毛鬚驤臥者渠自臥行者渠自行投

之一塊骨相與唯噉上牛皆切下士皆切爭良由為骨少狗多分

不平

極目兮長望白雲四茫茫鷓鴣飽服腰鸞鳳飢傍徨駿

馬放石磧寒驢能至堂天高不可問鷓鴣在滄浪

洛陽多女兒春日逞華麗共折路邊花各持挿高髻

高花匿匪人見皆睥睨別求醪醪憐將歸見夫壻

春女銜容儀相將南陌陲看花愁日晚隱樹怕風吹年

少從傍來白馬黃金羈何須久相弄兒家夫婿知

羣女戲夕陽風來滿路香綴裙金蛺蝶揮鬢玉駕鸞角

婢紅羅纈聞奴紫錦裳為觀失道者鬢白心惶惶

若人逢兔魁第一莫一作驚驚一作恐據一作捺硬莫采渠呼名

自當去燒香請佛力禮拜求僧助蚊子叮鐵牛無渠下

嘴處

浩浩黃河水東流長不息悠悠不見清人人壽有極苟

欲乘白雲曷由生羽翼唯當鬢髮一作時時行往須努力

欽定四庫全書

御定全唐詩
卷八百六

十

乘茲朽木船采彼紆婆子紆音士仰經西國苦樹名其子根枝俱苦喻衆生之惡

行至大海中波濤復不止唯費一宿糧去岸三千里煩

惱從何生愁哉緣苦起

默默永無言後生何所述隱居在林藪智日一作境何由

出枯槁非堅衛風霜成大疾土牛耕石田未有得稻日

山中何太冷自古非今年峯嶺凝雪幽林每吐煙草

生芒種後葉落立秋前此有沈迷客窺窺不見天

山客心悄悄常嗟歲序遷辛勤采芝術搜斥詎成仙庭

廓雲初卷林明月正圓不歸何所為桂樹相留連

有人兮山樞一作隱雲卷兮霞纓東芳兮欲寄路漫漫兮

難征心惆悵兮狐疑年老已無成衆嗟咿斯此一本無塞此九字

獨立兮忠貞

豬喫死人肉人喫死豬腸豬不嫌人臭人反道豬香豬

死拋水內人死掘土藏彼此莫相噉蓮花生沸湯

快哉混沌身不飯復不尿遭得誰鑽鑿因茲一作之立九

竅朝朝為衣食歲歲愁租調千箇爭一錢聚頭亡命叫

欽定四庫全書

御定全唐詩
卷八百六

十一

啼哭緣何事淚如珠子顆應當有別離復是遭喪禍所

為在貧窮未能了因果塚間瞻死屍六道不干一作析我

婦女慵經織男夫嬾耨田輕浮耽挾彈點一作躑躑上他都

協二切點履也下所倚所買二切舞履也拈抹弦凍骨衣應急充腸食在先

今誰念於汝苦痛一作痛哭蒼天

不行真正道隨邪號行婆口慙神佛少心懷嫉妬多背

後呼魚肉人前念佛陀如此修身處難應避奈何

世有一等愚茫茫恰似驢還解人言語貪姦狀若豬險

賦難可測實語却成虛誰能共伊語令教莫此居

有漢姓傲慢名貪字不廉一身無所解百事被他嫌死
惡黃連苦生憐白蜜甜喫魚猶未止食肉更無厭

縱你居犀角饒君帶虎睛桃枝將辟穢一作折蒜殼取
為喫暖腹菜羹酒空心枸杞羹終歸不免死浪自覓長

生

卜擇幽居地天台更莫言猿啼谿霧冷巖色草門連折

葉覆松室開池引澗泉已甘休萬事采薇度殘年

欽定四庫全書

御定全唐詩
卷八百六

上

益者益其精可名為有益易者易其形是名之一一作有

易能益復能易當得上仙籍無益復無易終不免死厄
徒勞說三史浪自看五經洎老撿黃籍依前住一作白

丁筮遭連一作連塞卦生主虛危星不及河邊樹年年一

度青

碧澗泉水清寒山月華白然知神自明觀空境邈寂

我今有一襦非羅復非綺借問作何色不紅亦不紫夏

天將作衫冬天將作被冬夏遞互用長年只這一作是

白拂梅檀柄馨香竟日開柔和如卷霧搖拽似行雲禮

奉宜當暑高提復去一作法塵時時方丈內將用指迷人

貪愛有人求快活不知禍在百年身但看陽燄浮漚水

便覺無常敗壞人丈夫志氣直如鐵無曲心中道自真

行密節高霜下竹方知不枉用心神

多少般數人百計求名利心貪覓榮華經營圖富貴心

未片時歇奔突如煙氣家眷實團圓一呼百諾至不過

七十年水消瓦解置死了萬事休誰人承後嗣水浸泥

欽定四庫全書

御定全唐詩
卷八百六

上

彈丸方知無意智

貪人好聚財恰如梟愛子子大而食母財多還害已散

之即福生聚之即禍起無財亦無禍鼓翼青雲裏

去家一萬里提劍擊匈奴得利渠即死失利汝即殂渠

命既不惜汝命亦一作有何辜教汝百勝術不貪為上謨

瞋是心中火能燒功德林欲行菩薩道忍辱護真心

汝為一作謂埋頭癡兀兀愛向無明羅剎窟再三勸你早

修行是你頑癡心恍惚不肯信受寒山語轉轉倍加業

汨汨直待斬首作兩段方知自身奴賊物

惡趣甚茫茫冥冥無日光人間八百歲未抵半宵長此

等諸癡子論情甚可傷勸君求出離認取法中王

世有多解人愚癡徒苦辛不求當來善唯知造惡因五

逆十惡輩三毒以為親一死入地獄長如鎮庫銀

天高高不窮地厚厚無極動物在其中憑茲造化力爭

頭覓飽暖作計相啖食因果都未詳盲兒問乳色

天下幾種人論時色數有賈婆如許夫黃老元無婦衛

欽定四庫全書

御定全唐詩
卷八百六

氏兒可憐鍾家女極醜渠渠若向西行我便東邊走

賢士不貪婪癡人好鑪冶麥地占他家竹園皆我者努

膊覓錢財切齒驅奴馬須看郭門外鬻松栢下

噴噴買魚肉擔歸餒妻子何須殺他命將來活汝已此

非天堂緣純是地獄滓徐六語破堆始知沒道理

有人把椿樹喚作白梅檀學道多沙數幾箇得泥九葉

金却擔草謾他亦自謾似聚砂一處成團也大難

熬砂擬作飯臨渴始掘井用力磨碌碌那堪將作鏡佛

說元平等總有真如性但自審思量不用閑爭競

推尋世間事子細總皆一作要

知凡事莫容易盡愛討便

宜護即弊成好毀即是成非故知雜濫口背面總由伊

冷暖我自量不信奴脅皮

蹭蹬諸貧士飢寒成至極閑居好作詩札札用心力賤

他一作人

言執采勸君休歎息題安餽甞上乞狗也不喫

欲識生死譬且將水水比水結即成冰冰消返成水已

死必應生出生還復死冰水不相傷生死還雙美

欽定四庫全書

御定全唐詩
卷八百六

尋思少年日遊獵向平陵國使職非願神仙未足稱聯

翩騎白馬喝免放蒼鷹不覺大一作今

流落暗瞞誰見矜

偃息深林下從生是農夫立身既質直出語無諂諛保

我不鑒壁信君方得珠焉能同泛濫極目波上鳬

不須攻人惡何用一作不須伐已善行之則可行卷之則可卷

祿厚憂積一作責大言深慮交淺聞茲若念茲小子當自見

富兒會高堂華燈何煒煌此時無燭者心願處其傍不

意遭排遣還歸暗處藏益人明詎損頻討惜餘光

世有聰明士一作敦苦探幽文三端自孤立六藝越諸

君神氣卓然異精彩超衆羣不識箇中意逐境亂紛紛

層層山水秀煙霞鎖翠微嵐拂紗巾濕露霑衰草衣足

躡遊方履手執古藤枝更觀塵世外夢境復何為

滿卷才子詩溢壺聖人酒行愛觀牛犢坐不離左右霜

露入茅簷月華明一作牖此時吸兩甌吟詩五百一

三首

施家有兩兒以藝干齊楚文武各自備託身為得所孟

欽定四庫全書

御定全唐詩
卷八百六

公問其術我子親教汝秦衛兩不成失時成詛語

止宿鴛鴦鳥一雄兼一雌銜花相共食刷羽每相隨戲

入煙霄裏宿歸沙岸渚自憐生處樂一作樂處不奪鳳皇池

或有街行人才藝遇周孔見罷頭兀兀看時身侗侗繩

牽未肯行錐刺猶不動恰似羊公鶴可憐生氈氍上徒紅切

下名
孔切

小小帶經鋤本將兄共居緣遭他輩責刺被自妻疎拋

絕紅塵境常遊好閑書誰能借一作惜一斗水活取轍中魚

變化計無窮生死竟不止三途鳥雀身五嶽龍魚已世

濁作親鄰上女奚切下奴時清為駉駉前迴是富兒今

度成貧士

書判全非弱嫌身不得官銓曹被拘折洗垢覓瘡癰必

也關天命一作保今冬更試看盲兒射雀目偶中亦非難

貧驢欠一尺富狗刺三寸若分貧不平中半富與困始

取驢飽足却令狗飢頓為汝熟思量令我也愁悶

柳郎八十二藍嫂一十八夫妻共百年相憐情狡猾弄

欽定四庫全書

御定全唐詩
卷八百六

璋字烏髯擲瓦名館上一九切屢見枯楊茂常遭青

女殺

大有飢寒客生將獸魚殊長存磨石下一作廟時哭一

笑路邊隅累日空思飯經冬不識襦唯齋一束草并帶

五升麴

赫赫誰顧肆其酒甚濃厚可憐高幃幟極目平升斗何

意評不售其家多猛狗童子欲一作若來沽狗豕便是走

吁嗟濁濫處羅剎共賢人謂是等一作荒一流類焉知道不

親狐假師子勢詐妄却稱珍鉛礦入鑪冶方知金不真

一作精

田家避暑月斗酒共誰歡雜雜排山果疎疎圓酒罇蘆

背將代席蕉葉且充盤醉後撻蹠坐須彌小彈丸

箇是何措大時來省南院年可三十餘曾經四五選囊

裏無青蚨篋中有黃絹一作卷行到食店前不敢暫迴面

為人常喚用愛意須慳惜老去不自由漸被他推一作推

斥送向荒山頭一生願虛擲亡羊罷補牢失意終無極

欽定四庫全書

御定全唐詩
卷八百六

十八

浪造凌霄閣虛登百尺樓養生仍天命誘讀詎封侯不

用從黃口一作石何須厭白頭未能端似箭且莫曲如鉤

雲山疊疊連天碧路僻林深無客遊遠望孤蟾明皎皎

近聞羣鳥語啾啾老夫獨坐樓青嶂小室閑居任白頭

可歎往年與今日無心還似水東流

富貴疎親聚只為多錢未貧賤骨肉離非閭水兄弟急

須歸去來招賢閣未啓浪行朱雀街踏破皮鞋底

我見一癡漢仍居三兩婦養得八九兒總是隨宜手丁

防一作戶是新差資財非舊有黃蘗作驢鞍始知苦在後

新穀尚未熟舊穀今已無就貸一斗許門外立踟躕夫

出教問婦婦出遣問夫慳惜不救乏財多為累愚

大有好笑事畧陳三五箇張公富奢華孟子貧軻軻只

取侏儒飽不憐方朔餓已歌唱者多白雪無人和

老翁娶火婦髮白婦不耐老婆嫁火夫面黃夫不愛老

翁娶老婆一一無棄背少婦嫁火夫兩兩相憐態

雍容美少年博覽諸經史盡號曰先生皆稱為學士未

欽定四庫全書

御定全唐詩
卷八百六

十九

能得官職不解秉耒耜冬披破布衫蓋是書誤已

鳥語一作弄情不堪其時臥草巷櫻桃紅燦燦楊柳正旄

旄旭日銜青嶂晴雲洗淥潭誰知出塵俗馭上寒山南

昨日何悠悠場中可憐許上為桃李徑下作蘭蓀渚復

有綺羅人舍中翠毛羽相逢欲相喚脈脈不能語

丈夫莫守困無錢須經紀養得一犇牛生得五犇子犇

子又生兒積數無窮已寄語陶朱公富與君相似

之子何惶惶一作追追卜居須自審南方瘴癘多北地風霜

甚荒陬不可居毒川難可飲魂兮歸去來食我家園甚

昨夜夢還家

一作

見婦機中織駐梭如有思擊梭似無力呼之迴面視況復不相識應是別多年鬢毛非舊色

人生不滿百常懷千載憂自身病始可又為子孫愁下視禾根土上看桑樹頭秤鉗落東海到底始知休

世有一等流悠悠似木頭出語無知解云我百不憂問道道不會問佛佛不求子細推尋著茫然一場愁

董郎年少時出入帝京裏衫作嫩鵝黃容儀畫相似常

欽定四庫全書

御定全唐詩

卷八百六

三

騎踏雪馬拂拂紅塵起觀者滿路傍箇是誰家子

箇是誰家子為人大被憎癡心常憤憤肉眼醉曹曹見

佛不禮佛逢僧不施僧唯知打大癩除此百無能

人以身為本本以心為柄本在心莫邪心邪喪本命未

能免此殃何言嬾照鏡不念金剛經却令菩薩病

城北仲家翁渠家多酒肉仲翁婦死時帑客滿堂屋仲

翁自身亡能無一人哭喚他栢鬻者何太冷心腹

下愚讀我詩不解却嗤誚中庸讀我詩思量云甚要上

賢讀我詩把著滿面笑楊修見幼婦一覽便知妙

自有慳惜人我非慳惜草衣單為母穿酒盡緣歌啐當

一作

取一腹飽莫令兩脚慳蓬蒿饋餽此日君應悔

我行經古墳淚盡嗟存沒塚破壓黃腸棺穿露白骨敏斜有雙餅振振無簪笄風至攬其中灰塵亂浮浮

夕陽赫

一作

西山草木光晬晬復有朦朧處松蘿相連

接此中多伏虎見我奮迅鬚手中無寸刃爭不懼懾懾出身既擾擾世事非一狀未能捨流俗所以相追訪昨

欽定四庫全書

御定全唐詩

卷八百六

三

弔徐五死今送劉三葬終一作日不得聞為此心悽愴

有樂且須樂時哉不可失雖云一百年豈滿三萬日寄

世是須史論錢莫欺叩孝經未後章

一作

委曲陳情畢

獨坐常忽忽情懷何悠悠山腰雲縵縵

一作

沒沒谷口風颭

颭猿來樹嫋嫋鳥入林啾啾時催鬢颭颭歲盡老凋凋

一人好頭肚六藝盡皆通南見驅歸

一作

北西風趣向

東長漂如泛萍不息似飛蓬問是何等色姓貧名曰窮

他賢君即受不賢君莫與君賢他見容不賢他亦拒嘉

善矜不能仁徒方得所勸逐子張言拋却卜商語

俗薄真成薄人心箇不同殷翁笑柳老柳笑殷翁何

故兩相笑俱行論說中裝車競嘯噪翻載各瀧凍

是我有錢日恒爲汝貸將汝今既飽暖見我不分張須

憶汝欲得似我今承望有無更代事勸汝熟思量

人生一百年佛說十二部慈悲如野鹿瞋忿一作怒似家

狗家狗趣不去野鹿常好走欲伏獼猴心須聽獅子吼

教汝數般事思量一作賢知我賢極貧忍賣屋纔富須買

欽定四庫全書

御定全唐詩
卷八百六

田空腹不得走枕頭須莫眠此言期衆見挂在日東邊

寒山多幽奇登者皆怛懾月照水澄澄風吹草獵獵凋

梅雪作花机木雲充葉觸雨轉鮮一作仙靈非晴不可涉

有樹先林生計年逾一倍根遭陵谷變葉被風霜改咸

笑外凋零不憐內文采皮膚脫落盡唯有貞一作真實在

寒山有躡蟲身白而頭黑手把兩卷書一道將一德住

不安釜竈行不齋衣祴常持智慧劍擬破煩惱賊

有人畏白首不肯捨朱紱采藥空求仙根苗亂挑掘數

年無効驗癡意瞋佛鬱獵師披袈裟元非汝使物

昔時可可貧今朝一作最貧凍作事不諧和觸途成恹

德行泥屢脚屈生社頰腹痛失却斑猫兒老鼠圍飯甕

我見世間人堂堂好儀相不報父母恩方寸底模樣欠

負他人錢蹄穿始惆悵箇箇惜兒爺嫌不供養兄弟

似冤家心中長悵一作悵快憶昔少年時求神願成長今

爲不孝子世間多此樣買肉自家噉抹背道我暢自逞

說嘍囉聰明無益當牛頭努目瞋出去始時一作始始

欽定四庫全書

御定全唐詩
卷八百六

擇佛燒好香揀僧歸供養羅漢門前乞赴却閑和尚不

悟無爲人從來無相狀封疏請名僧觀錢兩三樣雲光

好法師安角在頭上汝無平等心聖賢俱不降凡聖皆

混然勸君休取相我法妙難思天龍盡迴向我今稽首

禮無上法中王慈悲大喜捨名稱滿十方衆生作依怙

智慧身金剛頂禮無所著我師大法王一本無我法

可貴天然物獨一作立無伴侶覓他不可見出入無門

戶促之在方寸延之一切處你若不信愛相逢不相遇

余家有一窟窟中無一物淨潔空堂堂光華明日日疎
食養微軀布裘遮幻質任你千聖現我有天真佛
男兒大丈夫作事莫莽鹵勁挺鐵石心直取菩提路邪
路不用行行之枉辛苦不要求佛果識取心王主
粵自居寒山曾經幾萬載任運遊林泉棲遲觀自在寒
巖人不到白雲常靸毼細草作臥褥青天為被蓋快活
枕石頭天地任變改

可重是寒山白雲常自閑猿啼暢道內虎嘯出人閑獨

欽定四庫全書

御定全唐詩
卷八百六

十四

步石可履孤吟藤好攀松風清颯颯鳥語聲喧喧

閑自訪高僧煙山萬萬層師親指歸路月挂一輪燈

閑遊華頂上日朗晝一作大光輝四顧晴空裏白雲同

鶴飛

世有多事人廣學諸知見不識本真性與道轉懸遠若
能明實相豈用陳虛願一念了自心開佛之知見

寒山有一宅宅中無間隔六門左右通堂中見天碧房
房虛索索東壁打西壁其中一物無免被人來惜寒到

燒煙火飢來煮菜喫不學田舍翁廣置牛一作莊宅盡
作地獄業一入何曾極好好善思量思量知軌則

儂家暫下山入到城隍裏逢見一羣女端正容貌美頭
戴蜀樣花燕脂塗粉膩金釧鐙銀朵羅衣緋紅紫朱顏
類神仙香帶氣氤氳氣時人皆顧盼癡愛染心意謂言世
無雙魂影隨他去狗咬枯骨頭虛自舐脣齒不解返思
量與畜何曾異今成白髮婆老陋若精魅無始由狗心
不超解脫地

欽定四庫全書

御定全唐詩
卷八百六

十五

一自避寒山養命餐山果平生何所憂此世隨緣過日

月如逝川光陰石中火任你天地移我暢巖中坐

我見世間人茫茫走路塵不知此中事將何為去津榮

華能幾日眷屬片時親縱有千斤金不如林下貧

自聞梁朝日四依諸賢士寶誌萬迴師四仙傳大士顯

揚一代教作時如來使造建一作建僧伽藍信心歸佛理

雖乃得如斯有為多患累與道殊懸遠折西補東爾不

達無為功損多益少利一作失有聲而無形至今何處去